

Վ. Ի. ԼԵՆԻՆԸ
ԵՎ ՊԱՏՄԱԳԻՏՈՒԹՅԱՆ ՄԵԹՈԴՈԼՈԳԻԱԿԱՆ
ՄԻ ՔԱՆԻ ՀԱՐՑԵՐ

Ա. Մ. ՈՍԿԱՆՅԱՆ, Ռ. Գ. ՆԱՎԱՍԱՐԴՅԱՆ

Իր տեսական պայքարի բոլոր էտապներում, սկսած դեռևս 1893 թ., հետեւողականորեն մարտնչելով նսրողնիկության, «տնտեսական մատերիալիզմի», աստվածաշինարարության, մախիզմի և մարքսիզմին հակառակորդ քաղաքական այլ հոսանքների դեմ, Վ. Ի. Լենինը հենվում էր պատմության վրա, զարուացնելով նրա գիտական ըմբռնումը: Պատմության և սոցիալական հարաբերությունների տվյալ վիճակի ուսումնասիրությունը Լենինը անբաժանելի էր համարում դասակարգային պայքարի գործնական խնդիրներից: Նա ընդգծում էր, որ իսկական հասարակական գիտության, այդ թվում նաև պատմության, սոցիալական ֆունկցիան, «ուղղակի խնդիրն է՝ պայքարի ճշմարիտ լոգունդ տալ»¹:

Պատմությունը Լենինի համար պայքարի միջոց էր. որպես գիտություն այնցյալը շաղկապելով ներկայի հետ, պատմությունը միաժամանակ ամուր հենարան էր ամբողջ աշխարհում ճնշումն ու շահագործումը վերացնելու, քարոզային հասարակության առաջադիմության վեհ գաղափարները կյանքում իրականացնելու նպատակով մղվող պայքարի ստրատեգիան մշակելու համար:

Մեծ Հոկտեմբերի հաղթանակից հետո, ցույց տալով հեղափոխության ճեղք բերած հիմնական նվաճումները և խոսելով պատմության հեռունկարների մասին, Լենինը գրում էր. «Կապիտալիզմի և նրա հետքերի ոչնչացումը, կոմունիստական հասարակարգի հիմքերի հաստատումը կազմում է համաշխարհային պատմության այժմ սկսված նոր դարաշրջանի բովանդակությունը»²:

* * *

Պատմական գիտելքների բնագավառում հսկայական էրուդիցիայի տեր լինելով, Լենինը կոնկրետացրեց պատմական գիտության մարքսիստական տեսությունը, պաշտպանեց սոցիալական առաջընթացի սկզբունքային պրոբլեմների դարգացման գիտական հիմքերը: Նա ցույց տվեց, որ պատմական այնցյալը, պատմական փորձը այն նյութն է, որին տիրապետելով միայն կարելի է տեսնել նորը:

Լենինը արտակարգ մեծ նշանակություն էր տալիս պատմական իմացության մեթոդոլոգիական կողմին: Ի հակադրություն բուրժուական պատմափիլիսոփայական դպրոցների միստիկական կամ սուբյեկտիվ-իդեալիստական ուղղությունների, նա իր աշխատություններում ելնում էր պատմական իրակա-

1 Վ. Ի. Լենին, Երկեր, հատ. 1, էջ 417—418:

2 Վ. Ի. Լենին, Երկեր, հատ. 31, էջ 491:

նության օրյեկտիվ ուսումնասիրությունից: Լենինի դիալեկտիկա-մատերիալիստական մոտեցումը պայմանավորված էր այն բանով, որ նա հենց սկզբից Մարքսի տեսությունն ընդունեց որպես գործողության ուղեցույց, որպես հասարակության պատմական զարգացման պրոցեսի իմացության միակ դիտական մեթոդ: Ավելին, նա ստեղծագործաբար հարստացրեց մարքսիստական պատմական տեսությունը՝ մշակելով նրա մի շարք մեթոդոլոգիական հարցերը:

Լենինը գտնում էր, որ միայն գիտական պատմության մեջ կարելի է «միակ մարքսիստական հիմնավորումը տալ մեր բոլոր որոշումներին»³: Ուստի և բնական է, որ նա իր հզոր տաղանդը ի սպաս դրեց պատմության գիտական մեկնաբանման գործին: Պատահական չէ, որ Լենինի գիտական ժառանգությունն այնքան լայնորեն օգտագործվում է մարքսիստ պատմաբանների կողմից, քանի որ նրա երկերը հսկայական նյութ են պարունակում ընթացիկ հարյուրամյակի առաջին քառորդի կարևորագույն սոցիալ-տնտեսական տեղաշարժերը բնորոշելու համար: Այդ երկերը, միաժամանակ, սկզբունքային մեթոդոլոգիական ցուցմունքներ են ընձեռում՝ մարքսիստական տեսակետից պատմագրությանը մոտենալու հարցում: Լենինի այնպիսի աշխատությունները, ինչպիսիք են՝ «Կապիտալիզմի զարգացումը Ռուսաստանում», «Ագրարային հարցը Ռուսաստանում XIX դարի վերջում», «Սոցիալ-դեմոկրատիայի ագրարային ծրագիրը 1905—1907 թթ. ռուսական առաջին հեղափոխության ժամանակ», «Իմպերիալիզմը որպես կապիտալիզմի բարձրագույն փուլ», «Պետություն և հեղափոխություն» և այլն, հանդիսանում են ոչ միայն տեսական մտքի մի հարուստ շտեմարան, առանց որի անհնար է պատմական գիտության արդյունավետ զարգացումը, այլև կոնկրետ-պատմական ուսումնասիրության փայլուն օրինակներ:

Իր բոլոր պատմական հետազոտություններում Լենինը հետևում էր պատմության մատերիալիստական ըմբռնմանը, որը, նրա խոսքերով ասած, «Կապիտալի» ժամանակներից ի վեր դարձել է «հասարակական գիտության հոմանիշը»: Նա նշում էր, որ չկա հասարակության զարգացման մի այլ տեսություն, որը «ճիշտ նույնպես կարողանար կարգ մտցնել «համապատասխան փաստերի» մեջ, ինչպես կարողացավ այդ անել մատերիալիզմը»⁴:

Իր առաջին իսկ աշխատություններում Լենինը խստորեն սահմանազատում է գիտական-մարքսիստական պատմագրությունը ոչ գիտական, նախամարքսյան պատմագրությունից, վերջինիս հակագիտականության հիմքը համարելով նախ և առաջ նրա իդեալիզմը: Պատմական պրոցեսի տեսության նախամարքսյան ներկայացուցիչները, — ասում էր Լենինը, — չէին ընդունում հասարակության զարգացման նյութական տնտեսական հիմքերը, անկարող էին զանազանել պատմական կարևոր, վճռական և երկրորդական երևույթները, որի հետևանքով անխուսափելիորեն զլորվում էին սուբյեկտիվիզմի դիրկը և պատմական դեպքերի վերլուծությունը նենգափոխում անբանց նկարագրությամբ, հում նյութի հավաքումով: Նկատի ունենալով հիմնականում սուբյեկտիվիստներին, Լենինը նշում էր, որ այդ պատմաբաններն ու սոցիոլոգները «...ճանաչելով պատմական երևույթների օրինաչափությունը, ի վիճակի չէին, սակայն, նրանց էվոլյուցիային նայելու իբրև բնապատմական պրոցեսի և ի վիճակի չէին հենց

3 Վ. Ի. Լենին, Երկեր, հատ. 27, էջ 87.

4 Վ. Ի. Լենին, Երկեր, հատ. 1, էջ 163.

այն պատճառով, որ կանգ էին առնում մարդու հասարակական գաղափարների և նպատակների վրա, չկարողանալով այդ գաղափարներն ու նպատակները հանգեցնել հասարակական նյութական հարաբերությունների»⁵:

Բազմաթիվ առիթներով ընդգծելով Նախամարքսյան պատմագրության և սոցիոլոգիայի հակադիտականությունը, որ հետևանք էր նրանց ներկայացուցիչների մեթոդոգիական ու դասակարգային սահմանափակության, Լենինը միաժամանակ հեռու էր այդ պատմագրության նվաճումները առ ոչինչ համարելուց: Ավելին, նա համոզված էր, որ XVIII դարում և XIX դ. առաջին կեսին, երբ բուրժուազիան ամբողջովին վերցրած դեռևս պրոգրեսիվ դասակարգ էր, նրա ներկայացուցիչները դգալի դրական ավանդ մուծեցին պատմական գիտության զարգացման գործում: Այդ պարզ երևում է այն վերաբերմունքից, որ իր տարբեր գործերում Լենինը ցույց է տալիս XVIII դ. բուրժուական գաղափարախոսության կամ XIX դ. 40—60-ական թթ. ուսույթների շնորհիվ ու հեղափոխական դեմոկրատների նկատմամբ⁶, որոնց նվաճումներից խորշելը, նրա կարծիքով, կնշանակեր դավաճանել մարքսիզմին և մատերիալիզմին⁷, քանի որ մարքսիզմը անանցանելի վիճով բաժանված չէ նախորդ դարերի կուլտուրայից, այլ «հանդիսանում է Եվրոպայի ամբողջ պատմական, թե՛ տնտեսական, թե՛ փիլիսոփայական գիտության բարձրագույն զարգացումը»⁸:

Հարկ է նշել, որ այս կարգի դատողությունները Լենինին երբեք չխանդարեցին ընդգծելու այն արմատական տարբերությունը, որ գոյություն ունի պատմական պրոցեսի բուրժուական և մարքսիստական մեկնաբանությունների միջև: Ամենացուցան և հակիրճ ձևով այդ տարբերությունը տրված է նրա «Կարլ Մարքս» հոդվածում. «Մարքսիզմը մատնանշեց հասարակական-տնտեսական ֆորմացիաների ծագման, զարգացման և անկման պրոցեսի համապարփակ, ամենակողմանի ուսումնասիրության ուղին, քննելով բոլոր հակասական տենդենցների ամբողջությունը, հանգեցնելով դրանք հասարակական տարբեր դասակարգերի կյանքի և արտադրության ճիշտ որոշելի պայմաններին, վերացնելով սուբյեկտիվիզմն ու կամայականությունն առանձին «զլխավոր» իդեանների ընտրության կամ նրանց մեկնաբանման մեջ, բացահայտելով անխտիր բոլոր իդեանների և բոլոր տարբեր տենդենցների առմատները նյութական արտադրողական ուժերի կացության մեջ»⁹: Եվ եթե Նախամարքսյան ժամանակաշրջանի սոցիոլոգներն ու պատմաբանները լավագույն դեպքում կարող էին տալ պատմական պրոցեսի առանձին կողմերի նկարագրությունը, ապա Մարքսը կարողացավ մատնանշել պատմության, որպես միասնական, իր ամբողջ վիթխարի բազմակողմանիության մեջ ու հակասականության մեջ օրինաչափ մի պրոցեսի, գիտական ուսումնասիրության ուղին»¹⁰:

Այսպես բնութագրելով պատմական մատերիալիզմի տեսության ստեղծման շնորհիվ հասարակական գիտությունների բնագավառում կատարված հեղաշրջումը, Լենինը դրանով իսկ որոշեց այն սահմանագիծը, որ բաժանում է

5 Վ. Ի. Լենին, Երկեր, հատ. 1, էջ 160:

6 Տե՛ս, օրինակ, Վ. Ի. Լենին, Երկեր, հատ. 2, էջ 654, հատ. 18, էջ 13—14, հատ. 20, էջ 245—246, հատ. 21, էջ 59—60, հատ. 25, էջ 530—531:

7 Տե՛ս Վ. Ի. Լենին, Երկեր, հատ. 33, էջ 272:

8 Վ. Ի. Լենին, Երկեր, հատ. 20, էջ 246:

9 Վ. Ի. Լենին, Երկեր, հատ. 21, էջ 57:

10 Վ. Ի. Լենին, Երկեր, հատ. 21, էջ 58:

պատմագրության ոչ գիտական փուլը նրա գիտական, մարքսիստական փուլից, միաժամանակ տալով պատմական գիտության պատմության պարբերացումը:

Պատմության մատերիալիստական ըմբռնումը, որ բոլոր երկրների մարքսիստ-պատմաբանների ուսումնասիրությունների տեսական հիմքն է, իր շատ կողմերով, հատկապես կուռ տրամաբանությամբ և հետևողական մեթոդոլոգիայով, հրապուրում է անգամ բազմաթիվ ժամանակակից բուրժուական պատմաբանների: Միաժամանակ, ինչպես նշում է մարքսիզմի բուրժուական քննադատներից մեկը, պատմության մատերիալիստական ըմբռնումը իր և տեղծման պահից «ոչ մարքսիստական և հակամարքսիստական մտածելակերպը բնութագրում է ավելի մեծ չափով, քան այդ կցանկանալին ըմբռնել դրանց ներկայացուցիչները»¹¹:

Մարքսիզմի որոշ կողմերի «ընդունումը» զուգորդելով նրա անսանձ քննադատությամբ, բուրժուական հասարակական միտքը ստեղծում է բազմաթիվ ու բազմատեսակ արհեստական պատմական սխեմաներ, որոնք կոչված են «վերբարձրանալու» մարքսիզմի «թերություններից» և դրանով իսկ ժխտելու պատմական մատերիալիզմը՝ որպես պատմագրության տեսական հիմք: Ըր առաջ այդպիսի խնդիր է դնում, օրինակ, Ռոստոուն, որը «տնտեսական աճի» իր ստեղծած հինգ փուլերով փոխարինում է պատմության մեջ ունեցող արտադրանականները և սոցիալ-տնտեսական ֆորմացիաները, ճգնելով համողել, թե «աճի տեսությունը» հանդիսանում է «նոր պատմության մարքսիստական մեկնաբանության արտերևատիվը»¹²:

Սոցիալիզմի հաղթանակը, մարքսիզմ-լենինիզմի հաղթարշավը բուրժուական տեսաբաններին ու պատմաբաններին ստիպում է ավելի ու ավելի կատարելագործել պայքարի՝ հնուց գոյություն ունեցող տակտիկան. «մարքսիզմը սպանել մեղմության միջոցով», «խեղդել գրկախառնության միջոցով», առերես ընդունելով մարքսիզմի «բոլոր» կողմերն ու տարրերը, բացառությամբ նրա «ագիտատորական», «դեմագոգիկ», «բլանկիստական-ուտոպիական» կողմերի, այսինքն՝ պատմության մատերիալիստական ըմբռնման և պրոլետարիատի դիկտատուրայի մասին մարքսիստական ուսմունքի¹³:

Պատմագրության բնագավառում մղվող ժամանակակից գաղափարական պայքարը հրամայաբար պահանջում է հաշվի առնել բուրժուական հեղինակների տակտիկայի՝ լենինի նշած այս առանձնահատկությունները: Ինքը՝ լենինը տվել է պատմական գիտության մարքսիստական մեթոդոլոգիական հիմքերի

¹¹ K. Löwith. Von Hegel zu Nietzsche. Stuttgart, 1964, էջ 17:

¹² St'w W. W. Rostow. The Stages of Economic Growth. Cambridge, 1960, էջ 2 և հետո:

¹³ Մարքսիզմը «լավացնելու», նրա «հնացած» կողմերը շտկելու փորձեր կատարել ու կատարում են ոչ միայն բուրժուական պատմաբաններն ու սոցիոլոգները, այլև այնպիսի տեսաբաններ, որոնք իրենց համարում են սոցիալիստներ ու անգամ կոմունիստներ: Ինչպես հայտնի է, գերմանական ու ավստրիական սոցիալ-դեմոկրատների պարագլուխները, այդ գործը սկսելով գեոևս տխրահռչակ Բերնշտայնի օրոք, ի վերջո հանգեցին այն բանին, որ ոչ հեռավոր անցյալում ավստրիական «սոցիալիստ» Ռենների բերանով ի լուր աշխարհի պաշտոնապես հայտարարեցին, որ տեսական հարցերում և պրակտիկ աշխատանքում իրենց կուսակցությունը դադարում է մարքսիզմը գործողության ծրագիր ու հիմք համարելուց: Հստ էության նույն երևույթին ենք մենք ականատես նաև եվրոպական ու ասիական մի քանի այլ երկրներում, որտեղ մարքսիզմի ուղիղիան աչից ու «ձախից» բարձրացված է պետական ու կուսակցական ծրագրի աստիճանին:

բուրժուական նենգափոխության քննադատության բաղմամբ փայլուն օրինակներ:

Դեռևս իր գործունեության արշալույսին Լենինը չախախիչ քննադատության ենթարկեց նարոդնիկական սոցիոլոգիան, որի ներկայացուցիչներ Միխայլովսկին, Յուզովը, Վարենը, Յուժակովը և ուրիշներ պաշտպանում էին մարքսյան մատերիալիզմի և երիտասարդ հեղափոխականների սուբյեկտիվ իդեալիզմի էկլեկտիկ խառնուրդից ստեղծված տեսականներ: Պատմության իմացությունը նրանք հաճախ հանգեցնում էին պատմության «օբյեկտի և սուբյեկտի հսկայական կոնտրաստի» հատուկ դեպքերը՝ որոշելուն: «Իրական գիտությունը, — գրում էր Միխայլովսկին, — գործ չունի մեր հասկացությունների բոլոր սուբստանցիաների և դրանց համապատասխանող ճշմարտացիության չափանիշների հետ... Կարևորը միայն այն է, որ մեր իմացությունը բավարարի մարդկային բնության պահանջներին, և ճշմարտացիության չափանիշը պետք է որոնել հենց այդ բավարարության մեջ»¹⁴:

Նարոդնիկական սոցիոլոգիայի հիմքում տրված «Ծն-ի և ոչ-Ծն-ի» այս ֆորմուլան միաժամանակ պիտվում է որպես մեթոդի հարցի լուծում: Հանդես գալով այդպիսի տեսակետների քննադատությամբ, Լենինը «Նարոդնիկության տեսության բովանդակությունը...» աշխատության մեջ բաղաձայտեց հասարակության կյանքի ուսումնասիրության սուբյեկտիվ-իդեալիստական այդ մոտեցման էությունը՝ գրելով. «Հռչակավոր «սուբյեկտիվ մեթոդը սոցիոլոգիայում» վճռապես ոչինչ չի արտահայտում, բացի լավ ցանկությունից ու վատ բարոյությունից»¹⁵:

Պատմական մատերիալիզմի մեթոդոլոգիական հսկայական նշանակությունը շեշտելու նպատակով Լենինը սոցիոլոգիան համեմատում է բնագիտության հետ և ցույց է տալիս, որ հասարակության և պրոգրեսի մասին բուրժուական սոցիոլոգների վերացական դատողությունները հիշեցնում են մարդկային մտածողության նախագիտական վիճակը: Նա գրում է. «Քանի դեռ չէին կարողանում ձեռնարկել փաստերի ուսումնասիրությանը, միշտ հորինում էին a priori ընդհանուր թեորիաներ, որոնք միշտ անպտուղ էին մնում»¹⁶:

«Մատերիալիզմ և էմպիրիոկրիտիցիզմ» գրքում Լենինը տվեց էմպիրիոկրիտիցիզմի պոզիտիվիստական սոցիոլոգիական կոնցեպցիայի քննադատությունը, մի կոնցեպցիա, որը, մարքսիզմի «ճշման» քողի տակ, պաշտպանում էր բողոքականությունը:

Ինչպես իր այդ գրքում, այնպես էլ հետագա աշխատությունների մեջ, մասնավորապես «Փիլիսոփայական տեսություն», Լենինը գիտական խստագույն քննադատության ենթարկեց իմպերիալիզմի դարաշրջանի բուրժուական պատմագրությունը, որի ղեկավար մասի փիլիսոփայական ելակետը սուբյեկտիվ իդեալիզմի տարբեր տեսակներն են և առաջին հերթին՝ նոր կանտականությունը¹⁸: Առանց սուբյեկտիվ-իդեալիստական փիլիսոփայական սիստեմների

14 К. Н. Михайловский. Сочинения, т. III, СПб, 1897, էջ 347.

15 Վ. Ի. Լենին, Երկեր, հատ. 1, էջ 513.

16 Վ. Ի. Լենին, Երկեր, հատ. 1, էջ 165.

17 Տե՛ս Վ. Ի. Լենին, Երկեր, հատ. 14, էջ 431—443.

18 Այս առթիվ տե՛ս А. И. Данилов. К вопросу о критике буржуазной историографии в произведениях В. И. Ленина. «Средние века», вып. 18, М., 1960, էջ 9 և հաջ. В. К. Яцунский. Приемы научного исследования в работах В. И. Ленина по со-

լինինյան քննադատության մեթոդների լայն օգտագործման, առանց արտադրման լինինյան տեսության խոր ուսումնասիրման, ներկայումս անհնար է հաջողությամբ պաշտպանել պատմական գիտության մարքսիստական մեթոդոլոգիական սկզբունքները, քանի որ այդ տեսությունը մարքսիստ-պատմաբանի կաբևորագույն զենքն է բուրժուական պատմագրության դեմ, հանուն պատմության մատերիալիստական ըմբռնման մղվող պայքարում:

* * *

Պատմական իմացությունը իմացության այլ ձևերից տարբերվում է իր որոշակի առանձնահատկություններով: Պատմական գիտության ուսումնասիրության օբյեկտն ինքը պարզորոշ ցույց է տալիս, որ պատմական տեսությունը անհամեմատ ավելի բարդ է, քան այլ գիտությունների տեսությունները¹⁹:

Պատմական գիտակցությունը միշտ էլ հասարակական գիտակցության մի մասն է, և իբրև այդպիսին նա, արտացոլելով հասարակական կեցությունը, միաժամանակ արտացոլում է հասարակական գիտակցության պատմությունը: Ոչ մի դարաշրջանում պատմական իմացությունը գոյություն չի ունեցել դասակարգների և նրանց գաղափարախոսությունների միջև մղվող պայքարից դուրս և անկախ: Բացի այդ, հենց միայն այն պատճառով, որ հասարակության ներկա սիճակը անբաժանելի է նրա պատմական անցյալից, գաղափարական-քաղաքական պայքարի մասնակիցները անհրաժեշտաբար ստիպված են լինում մշակել պատմության նկատմամբ իրենց որոշակի վերաբերմունքը: Դրանով իսկ ձևավորվում է պատմական որոշակի գիտակցություն:

Եթե անցյալի իմացությունը, իր ամենաընդհանուր ձևով, կյանքի է կոչվում սոցիալական իրականության հրամայական պահանջի շնորհիվ, ապա այդ անցյալը ճանաչելու սկզբունքները մշակվում ու հղկվում են ըստ այն դասակարգի հասարակական տեղի ու դերի, որը դիմում է ճանաչողական տվյալ սկզբունքներին: Որ հասարակական գիտությունները դասակարգային հասարակության մեջ չեն կարող դասակարգների շահերից հեռու մնալ, այդ ցույց է տվել Լենինը դեռևս հեղափոխությունից առաջ, դրելով. «Ամբողջ կազմունիի և իրերու գիտությունը պաշտպանում է վարձու ստրկությունը... Վարձու ստրկության հասարակության մեջ անաշառ գիտություն սպասելը... հիմար միաճտություն է»²⁰:

Ինչքան մեծանում է ուսումնասիրությունների ծավալը, ինչքան բարդանում են ուսումնասիրելիք պրոբլեմներն ու երևան գալիս վերլուծության նոր, կոնկրետ մեթոդներ, առաջանում ավելի է մեծանում իմացության սկզբունքների նշանակությունը պատմական գիտության մեջ: Պատահական չէ, որ բուրժուական պատմագրության մեթոդոլոգիական ճգնաժամը հանդես է գալիս որպես

ционально-экономической истории. «История СССР», 1960, № 2, էջ 29 և հտ.; И. И. Смирнов. Некоторые вопросы методологии исторического исследования в трудах В. И. Ленина. «Вопросы историографии и источниковедения истории СССР», вып. 5, Л., 1963, էջ 42 և հտ.; В. П. Федотов. В. И. Ленин и исторический материализм. Конец XIX—нач. XX в., Л., 1960.

¹⁹ Այս հարցի կապակցությամբ տե՛ս А. И. Уваров. Структура теории в исторической науке. «Методологические и историографические вопросы исторической науки», вып. 3, Томск, 1965, էջ 35 և հտ.:

²⁰ Վ. Ի. Լենին, Երկեր, հատ. 19, էջ 3:

պատմական իմացության տեսական սկզբունքների ճշնաժամ և այդ պատճառով ստանում է իմացաբանական բնույթ²¹։

Մարքսիզմ-լենինիզմի համար տեսական-իմացաբանական բոլոր հարցերի լուծման հիմք է հանդիսանում արտացոլման տեսությունը։ Ընդգծելով այդ հանգամանքը, Լենինը գրում էր. «Մատերիալիզմն առհասարակ ճանաչում է օբյեկտիվորեն ունալ գոյք (մատերիան), որն անկախ է մարդկության գիտակցությունից, զգայությունից, փորձից և այլն։ Պատմական մատերիալիզմը հասարակական կեցությունն անկախ է ճանաչում մարդկության հասարակական գիտակցությունից։ Գիտակցությունը թե այնտեղ և թե այստեղ միայն արտացոլում է կեցության, լավագույն դեպքում նրա մոտավորապես ճիշտ (աղեկվաւո, իդեալականորեն-ճշգրիտ) արտացոլումը»²²։

Իմացաբանական տեսանկյունով գիտվող պատմական գիտությունը հանդիսանում է հասարակական կեցության զարգացման արտացոլումը, միաժամանակ՝ նաև հասարակական գիտակցության զարգացման արտոցոլումը։ Պատմական իմացության պրոցեսում ստացվող եղրակայությունների ճշմարտացիությունը կախված է այն բանից, թե պատմական պրոցեսներն ու երեւելությունը որքան աղեկվաւո են արտացոլված պատմաբանների մշակած հասկացություններում։ «Արտացոլումը,—գրում էր Լենինը,—կարող է լինել արտացոլվողի մոտավորապես ճիշտ պատճենը, բայց անհեթեթություն է այստեղ նույնության մասին խոսելը»²³։

Այն հանգամանքը, որ մարքսիզմի երևան գալով հեղաշրջում կատարվեց պատմագրության մեջ, ոչ մի դեպքում չի նշանակում, թե պատմագրության զարգացման նախորդ ամբողջ ժամանակաշրջանի ընթացքում ձեռք բերված փաստական հսկա նյութը մի կողմ շարտվեց։ Ընդհակառակը, պատմության մատերիալիստական ըմբռնումը թույլ տվեց համաձուլել պատմական բոլոր օբյեկտիվ և բացարձակ ճշմարտացի գիտելիքները. անցյալի դրական արդյունքները չէին կարող հենարան չհանդիսանալ պատմական տեսությունը զարգացման որակապես մի նոր աստիճանի բարձրացնելու համար։

Իր բնույթով պատմական գիտությունը թշնամի է դոգմատիզմին ու ռելյատիվիզմին, քանի որ դրանցից առաջինը միշտ էլ ծառայել է ջատագովական նպատակների, իսկ երկրորդը, վերջին հաշվով, ժխտում է պատմության՝ որպես գիտության գոյությունը։

Վ. Ի. Լենինը մեծ նշանակություն էր տալիս գիտության զարգացման գործում դոգմատիզմի և ռելյատիվիզմի վնասակար ազդեցությունը մերկացնելուն։ Մասնավորապես ռելյատիվիզմի մասին նա գրում էր, որ եթե այդ սկզբունքը դրված է իմացության տեսության հիմքում, ապա նա գիտական միտքը հանգեցնում է ազնոստիցիզմի կամ սուբյեկտիվիզմի²⁴։ Այդ սկզբունքի ոչ մի բացարձակացում չի կարող լինել, իսկ եթե մարքսիստական ուսմունքի մեջ խոսվում է ռելյատիվիզմի մասին, ապա միայն այն պատճառով, որ մարքսիզմը մեր բոլոր գիտելիքների հարաբերականությունը ճանաչում է ոչ թե օբյեկտիվ ճշմարտության բացասման իմաստով, այլ մեր գիտելիքներն այդ ճշմարտու-

²¹ Այս առթիվ տե՛ս Լ. Ս. Կոն. Философский идеализм и кризис буржуазной исторической мысли, М., 1959, էջ 225 և հտ.։

²² Վ. Ի. Լենին, Երկեր, հատ. 14, էջ 436—437։

²³ Վ. Ի. Լենին, Երկեր, հատ. 14, էջ 433։

²⁴ Տե՛ս Վ. Ի. Լենին, Երկեր, հատ. 14, էջ 171։

թյանը մոտենալու սահմանների պատմական պայմանականության իմաստով»²⁵։

Այսօրվա բուրժուական պատմական գիտության մեջ ռելյատիվիզմը կոչված է թաքցնելու պատմական պրոցեսի հիմնական օրինաչափությունները, թուլացնելու այն օրյեկտիվ եզրակացությունների նշանակությունը, որոնց հանգում է գիտությունը՝ հասարակության զարգացման ուղիների հետևողական դիալեկտիկա-մատերիալիստական լուսարանման շնորհիվ։ Այստեղ է թաքնըված այն երևույթի պատճառը, որ մոտավորապես XX դարի սկզբներից սկսած, իմպերիալիզմի փուլի երևան գալու պահից ի վեր, սկսեցին առաջանալ ու տարածվել տարբեր տիպի ռելյատիվիստական կոնցեպցիաներ։ Սակայն պատմության փիլիսոփայության բուրժուական ներկայացուցիչները, չբավարարվելով ռելյատիվիզմով, փորձում են ժխտել նաև մարդու գիտակցության մեջ օրյեկտիվ աշխարհի արտացոլման մատերիալիստական դրույթը և գործը այնպես են պատկերացնում, թե պատմական գիտության մեջ իբրև անհնար է սահմանադրվել իմացության օրյեկտիվ և սուբյեկտիվ ձևերը։ Ահա թե ինչն է պատճառը, որ պատմական իմացության մեջ սուբյեկտի և օրյեկտի «համընկնելու» թեզը այնքան տարածված է արևմտյան բուրժուական պատմա-փիլիսոփայական պրակտության մեջ։

Ճշմարտությունն այն է, որ անցյալի ճանաչումը ոչ թե օրյեկտի և սուբյեկտի համաձուլումն է, ոչ թե սուբյեկտի հաստատումն է՝ որպես առաջնային ու կարգավորիչ ֆունկտոր, ինչպես ենթադրում են Հայդեգերն ու Յասպերսը²⁶, — այլ մի այնպիսի ճանաչում է, որը, փաստորեն, ուսումնասիրողի («սուբյեկտի») ակտիվ փոխազդեցությունն է իրենից անկախ «օրյեկտի» հետ։ Հենց այդ ակտիվ փոխազդեցությունն էլ հանդիսանում է պրակտիկան, որը վկայում է աշխարհը ճանաչող և վերափոխող սուբյեկտի կուտակած գիտելիքների ճշմարտացիությունը։

Պատմական ճշմարտությունը դա այն պատմական ռեալականությունն է, որն արտացոլված է ուսումնասիրողի կոնցեպցիաներում. իր բովանդակությամբ նա օրյեկտիվ է այն իմաստով, որ ըստ ինքյան անկախ է ուսումնասիրողից։ Մարքսի ուսմունքը, ասում է Լենինը, ամբողջովին ներթոմած է ճշմարտության օրյեկտիվության ընդունումով²⁷։

Ծիշտ այսպես էլ Լենինը բացահայտում է պատմության մեջ օրենքի օրյեկտիվ բովանդակությունը, այս հարցում ելնելով Մարքսի այն դրույթից, թե ռուրաբանչուր ընդհանրական օրենք միշտ իրականում է մի շատ խճճված ու մոտավոր եղանակով ըհիայն, որպես մշտնջենական տատանումների միջին, ...ով որպես տիրապետող տենդենց»²⁸։ Պատմության զարգացման օրինաչափ պրոցեսի պատկերը բացահայտում են այն հասկացությունները, որոնք ըստ ինքյան հանդիսանում են իրականության արտացոլման ձևերը։ Հասարակական գիտությունը, հենվելով իմացության տեսության վրա, չի կարող արստրակտ կերպով քննել մտածողության իրական կամ ոչ իրական լինելը։ Սոցիալական պրակտիկան, որ իր մեջ միավորում է զգայական հայեցողության անմիջական

25 Վ. Ի. Լենին, Ծրվեր, հատ. 14, էջ 172։

26 Տե՛ս Գ. Менде. Очерки о философии экзистенциализма, М., 1958, էջ 41։

27 Տե՛ս Վ. Ի. Լենին, Ծրվեր, հատ. 14, էջ 150—163։

28 Կ. Մարքս, Կապիտալ, հատ. 3, մաս 1, էջ 141։

Հավաստիությունը և արևորակտ մտածողության համընդհանրությունը, հանդիսանում է ճշմարտացիության բարձրագույն չափանիշը. «Կյանքի, պրակտիկայի տեսակետը պետք է լինի իմացաբանության առաջին և հիմնական տեսակետը»²⁹, — որում ! Լենինը: Սակայն մարքսիզմ-լենինիզմը այդ պրակտիկայի մեջ մետաֆիզիկական-բացարձակ իմաստ չի դնում. պրակտիկան, որում է Լենինը, «բնավ չի կարող ըստ էության լիակատար կերպով հաստատել կամ հերքել որևիցէ մարդկային մտապատկեր: Այդ կրիտերիան ևս այնքան «անորոշ» է, որ թույլ չի տալիս մարդկային գիտելիքներին դառնալ «բացարձակ», և միևնույն ժամանակ այնքան որոշ է, որ անխնա պայքար է մղում իդեալիզմի և ագնոստիցիզմի բոլոր տարատեսակությունների դեմ»³⁰:

Եթե անցյալի սոցիալ-տնտեսական ողջ պրակտիկան հաստատում է պատմության մարքս-լենինյան ըմբռնման և պատմական զարգացման՝ մարքսիզմի հայտնաբերած օրենքների ճշմարտացիությունը, ապա դրանից ամենևին էլ չի հետևում, թե պատմական գիտության մեջ ճշմարտացիության չափանիշի յուրահատկության հարցը պատմաբանների համար էական նշանակություն չունի: Ընդհակառակը, այդ հարցը ակտուալ է մնում նախ այն պատճառով, որ Մարքսի ու Լենինի ոգով նրա լուծումը հնարավորություն է տալիս դեն նետել պրակտիկայի նկատմամբ պարզմատիստական տեսակետը, բացահայտել պատմությունը փիլիսոփայության հետ նույնացնելու կամ պատմական իմացության պատմության մի իրական պատմությունը նենգափոխելու փորձերի հակադրական էությունը: Այնուհետև, այդ հարցի լուծումը լույս է սփռում այն խնդրի վրա, թե պատմական իմացության, պատմական գիտության զարգացումը ինչպես է մտնում հասարակական-պատմական պրակտիկայի մեջ:

Մարքս-լենինյան արտացոլման տեսությունը պատմական իմացության հիմքն է ու փորձված զենքը: Հանդիսանալով մարդկային իմացության ողջ փորձի աղբյուրների գիտական ընդհանրացումը, նրա սկզբունքները հնարավորություն են տալիս ավելի ու ավելի խոր և հանգամանորեն ուսումնասիրել հասարակական-պատմական գործունեությունը: «Գնալով մարքսյան թեորիայի ուղիով, — ասում էր Լենինը, — մենք ավելի ու ավելի ենք մոտենալու օբյեկտիվ ճշմարտությանը (երբեք չսպառնալով այն)»³¹: Իսկ զնալով ամեն մի ալլ ուղիով, մենք չենք կարող հասնել ոչ մի բանի, բացի խառնաշփոթությունից ու կեղծիքից»³²:

Մարքսիստական պատմագրության մեջ պատմական ուսումնասիրությունների ժամանակ արտացոլման տեսության սկզբունքների կիրառումը ոչ մի ընդհանուր բան չունի պատմական զարգացման ապրիորի սխեմաներ ստեղծելու հետ, որոնց համաձայն սկզբնաղբյուրներից քաղվում են «համապատասխան օրինակներ»: Մարքսիստ պատմաբանի համար արտացոլման տեսության կիրառումը ենթադրում է քննարկվող օբյեկտի ուսումնասիրումը՝ նրա կոնկրետ դրսևորումների ողջ բազմազանության մեջ, նրա բոլոր կապակցությունների ուսումնասիրումը, նպատակ ունենալով «ճիշտ ու ճշգրիտ պատկերացնել իրական պատմական պրոցեսը»³²:

29 Վ. Ի. Լենին, Երկեր, հատ. 14, էջ 179:

30 Վ. Ի. Լենին, Երկեր, հատ. 14, էջ 179—180:

31 Վ. Ի. Լենին, Երկեր, հատ. 14, էջ 180:

32 Վ. Ի. Լենին, Երկեր, հատ. 1, էջ 193:

Պատմական գիտությունը գործ ունի հասարակական զարգացման օրինա-
չափությունների այնպիսի ձևերի ու այնպիսի տարածական ու ժամանակային
կապակցությունների ու հարաբերությունների հետ, որոնք ներհատուկ են
սոցիալական օբյեկտիվ պրոցեսին: Հենց այս սլատճառով էլ պատմական գի-
տությունը ուսումնասիրում է ոչ թե հասարակության զարգացման օրենքների
սխտեմը՝ իբրև այդպիսիք, այլ գործ ունի կոնկրետ-պատմական պայմաննե-
րում այդ օրենքների դրսևորման հետ, երբ երևան են գալիս տվյալ պայման-
ների հատուկ պատահականություններն ու զարգացման զիգզագները, այսին-
քը՝ պատմական պրոցեսի այն ողջ հակասականությունը, որը ներառում է ոչ
միայն առաջընթաց շարժումը, այլև հետադարձ ընթացքը, ռեակցիան: Պատ-
մաբանը չի կարող տալ տվյալ դարաշրջանի օբյեկտիվ պատկերը, առանց
ցույց տալու էպոխայի բոլոր զիգզագները, կատարվող դեպքերի յուրահատկու-
թյունը, առանց բացահայտելու ոչ միայն պատմության այս կամ այն օրենքը,
այլև առանց ցույց տալու այն բոլոր երևույթների կոմպլեքսը, որոնք օժանդա-
կում են դարաշրջանի հիմնական տենդենցի առաջընթացին կամ արգելակում
են այն: Հակառակ դեպքում նրա ուսումնասիրությունը վերջին հաշվով կստաց-
վի սխեմատիկ, լավագույն դեպքում՝ քննարկվող դեպքերի և պրոցեսների թույլ
ու անկատար արտացոլում:

Լենինը ոչ միայն խորացրեց արտացոլման մարքսիստական տեսությունը,
այլև, ձևակերպելով սոցիալական իմացության տեսության սկզբունքային հի-
մունքները, հանճարեղ ուսումնասիրողի շգերազանցված վարպետությամբ իր
աշխատությունների մեջ տվեց սկզբնաղբյուրների ընտրության, դասակարգ-
ման և օգտագործման փուլուն օրինակներ, պատմական փաստերի լուսաբա-
նումը կապելով հասարակության կյանքի կոնկրետ պայմանների հետ, սոցիա-
լական երևույթների մեկնաբանությունը տալով այնպիսի հասկացությունների
միջոցով, որոնք իրենց մեջ արտացոլում և ամրապնդում են պատմական օբ-
յեկտի գիտական իմացությունը³³: Այն սկզբունքները, որոնց հետևում էր Լենի-
նը, նրա կողմից ձևակերպված են սպառիչ լիակատարությամբ. «Մարքսիզմի
ամբողջ ոգին, նրա ամբողջ սխտեմը սլահանջում է, որ յուրաքանչյուր դրույթ
դիտվի միայն (ա) պատմականորեն. (բ) միայն մյուսների կապակցությամբ.
(գ) միայն պատմության կոնկրետ փորձի կապակցությամբ»³⁴:

* * *

Մեր օրերում, երբ աննախադեպ սրության է հասել համաշխարհային եր-
կու հակադիր սխտեմների՝ սոցիալիզմի և կապիտալիզմի միջև մղվող զաղա-
փարական պայքարը, մեծ կարևորություն է ստացել այն հարցը, թե ինչպիսի
փոխհարաբերություն գոյություն ունի գիտնականի աշխարհայացքի, սրա
ուսումնասիրության մեթոդի և օբյեկտիվ դերի միջև: Այս կապակցությամբ ան-
հրաժեշտ է անդրադառնալ կուսակցականության և օբյեկտիվիզմի փոխհարա-
բերության խնդրին:

Խոսելով մարքսիզմի տեսության մասին, Լենինը գրում էր. «Այս տեսու-
թյան անհաղթելի գրավիչ ուժը, որով նա հրապուրում է բոլոր երկրների սո-

³³ Այս կապակցությամբ տե՛ս Մ. В. Нечкина. Ленин—историк революционного движения России (в сб. «В. И. Ленин и историческая наука», М., 1968), էջ 41:

³⁴ Վ. Ի. Լենին, երկեր, հատ. 35, էջ 265:

ցիալիստներին, հենց այն է, որ նա միացնում է խիստ ու բարձրագույն գիտականությունը (հանդիսանալով հասարակական գիտության վերջին խոսքը) հեղափոխականության հետ և միացնում է ո՛չ թե պատահաբար, այլ... ներքնապես ու անխզելիորեն»³⁵։ Բազմաթիվ առիթներով նա ցույց է տվել, որ իր ուսումնասիրությունների ժամանակ պատմաբանը չի կարող չկանգնել այս կամ այն դասակարգի կողմը, միաժամանակ ընդգծելով, որ իր էությունը բուրժուական օբյեկտիվիզմը հանդիսանում է «դասակարգային պայքարի քողարկում և մթագնում»³⁶։

Այս կապակցությամբ արժե վերհիշել Լենինի կարծիքը հայտնի ոուս լիբերալ պատմաբան Միլյուկովի մասին։ Համարելով նրան «ամենից ավելի գիտակ պատմաբաններից մեկը», Լենինը բնորոշում է Միլյուկովին որպես սնանկ գիտնականի։ Քաղաքական կուրությունը, բուրժուազիայի համար ոչ ձեռնտու փաստերը տեսնելու ցանկության բացակայությունը Միլյուկովի համար անհնարին դարձրին իր ուսումնասիրած հարցերի գիտական, օբյեկտիվ քննարկումը³⁷։

Ինչպես այստեղ, այնպես էլ բոլոր այն դեպքերում, երբ Լենինը քննադատում է բուրժուական գիտնականների օբյեկտիվիզմն ու նրանց եզրակացությունների միտումնավորությունը, ամենուրեք Լենինյան քննադատության հիմքում ընկած է կուսակցականության սկզբունքը, որի շնորհիվ միայն հնարավոր է դառնում սոցիալ-քաղաքական և գիտա-պատմական վերլուծության միասնությունը։

Պատմագիտական ուսումնասիրությունների ժամանակ կուսակցականության սկզբունքի անհրաժեշտությունը Լենինը շեշտել է իր առաջին իսկ աշխատություններում։ Արդեն «Նարոդնիկության տնտեսական բովանդակությունը...» երկում նա բնութագրում է այն կուսակցականության էությունը, որով, ի հակադրություն բուրժուական օբյեկտիվիզմի, ղեկավարվում են մարքսիստ պատմաբանները։ «Օբյեկտիվիստը,— գրում է նա,— խոսում է տվյալ պատմական պրոցեսի անհրաժեշտության մասին. մասերիալիստը ճշտությամբ հավաստում է տվյալ հասարակական-տնտեսական ֆորմացիան և վերջինիս առաջացրած անտաճոնիստական հարաբերությունները։ Օբյեկտիվիստն, ապացուցելով փաստերի տվյալ շարքի անհրաժեշտությունը, միշտ ուսկ է անում շեղվելու և կանգնելու այդ փաստերը ջատագովողի տեսակետի վրա. մատերիալիստը բաց է անում դասակարգային հակասությունները և դրանով իսկ որոշում է իր տեսակետը։ Օբյեկտիվիստը խոսում է պատմական անհաղթահարելի տենդենցների» մասին. մատերիալիստը խոսում է այն դասակարգի մասին, որը «կառավարում է» տվյալ տնտեսակարգը՝ «տեղծելով մյուս դասակարգի դիմադրության այս-ինչ ձևերը»³⁸։

Անթուլլաուրելի համարելով միայն արձանագրել պատմական տվյալ պրոցեսի անհրաժեշտությունը, պահանջելով բացահայտել այդ անհրաժեշտության սոցիալ-տնտեսական կոնկրետ հիմքերը և ցույց տալ այդ անհրաժեշտության հետևում կանգնած դասակարգերն ու նրանց պայքարը, Լենինը միշտ պարզ ու

35 Վ. Ի. Լենին, Երկեր, հատ. 1, էջ 417։

36 Վ. Ի. Լենին, Երկեր, հատ. 18, էջ 418։

37 Տե՛ս Վ. Ի. Լենին, Երկեր, հատ. 16, էջ 167—177։

38 Վ. Ի. Լենին, Երկեր, հատ. 1, էջ 516։

հստակորեն արտահայտում է իր վերաբերմունքը հասարակական կյանքի փաստերի ու երևույթների տվյալ խմբի նկատմամբ: «Մատերիալիզմը, — գրում է նա, — իր մեջ պարունակում է, այսպես ասած, պարտիականություն՝ պարտավորեցնելով դեպքի ամեն մի գնահատականի ժամանակ ուղղակի ու բացորոշ կանգնելու հասարակական որոշ խմբի տեսակետի վրա»³⁹:

Ինչքան էլ որ բուրժուական պատմաբանները պարծենան իրենց օբյեկտիվությամբ ու անաշառությամբ, նրանց ուսումնասիրությունները իրենց վրա կրում են դասակարգայնության կնիքը, պատմական հեռանկարից զուրկ բուրժուազիայի դասակարգային գիտակցության կնիքը: Այս երևույթը հատկապես աչքի է զարնում ժամանակակից բուրժուական պատմագրության մեջ:

Հարկ է նշել, որ պատմական գիտության սոցիալական պայմանավորվածության և սոցիալական ֆունկցիայի թեզը մարքսիզմի գյուտը չէ: Դեռևս Հեգելը ծիծաղելի էր համարում պատմության «անկուսակցականության» պահանջը, նա գտնում էր, որ չի կարող այնպիսի պատմություն գրվել, որի մեջ աշառու վերաբերմունք չլինի այս կամ այն տեսակետի օգտին⁴⁰: Անցյալ դարի բուրժուական պատմագրության մեջ տարածված էր այն կարծիքը, թե պատմաբանի դործունեությունը նշանակալից չափով որոշվում է իր ժամանակակից քաղաքական կյանքի խթաններով: XIX դ. համարյա բոլոր ակադեմիկոս պատմաբանները (Մակուլեյ, Կարլեյլ, Միշլե, Զիբել, Գրանովսկի և ուրիշներ) ոչ միայն չէին թաքցնում իրենց քաղաքական համոզմունքները, այլև պատմությունը դիտում էին որպես այդ համոզմունքները պրոպագանդելու միջոց. նրանք «կուսակցական» պատմաբաններ էին՝ այդ բառի ամենախսկական իմաստով: Լինելով քաղաքական ամենատարբեր համոզմունքների տեր և ունենալով սոցիալական տարբեր իդեալներ, նրանք անցյալին դիմում էին՝ այնտեղ իրենց տեսակետները հաստատող փաստարկներ գտնելու նպատակով: Նրանց համար պատմական գիտելիքները ինքնանպատակ չէին, այլ դիտվում էին որպես քաղաքական ու սոցիալական որոշակի իդեալների հասնելու միջոց: Այդ էր պահանջում նրանց ժամանակակից իրականությունը, եթե նույնիսկ ուսումնասիրության նյութը վերաբերում էր հեռավոր անցյալին:

Բուրժուական հռչակավոր «օբյեկտիվիզմը» լայնորեն տարածված էր անցյալ դարի ռուս պատմաբանների միջավայրում, և այդ էր պատճառը, որ օբյեկտիվիզմի մարքսիստական քննադատությունը այնքան կարևոր նշանակություն չէր ստանում: «Օբյեկտիվ» պատմագրության ճանաչված պարտզուլի Ռանկեի ոգով ն. Ի. Կարեևը գրում էր, որ պատմաբանը պետք է ազատագրվի ազգային, կրոնական և կուսակցական ամեն կարգի նախապատվությունից, որ նա պարտավոր է «մի որոշակի խմբի անդամ լինելու աստիճանից» անցնել «ամբողջ մարդկության անդամի աստիճանին, սոցիալական կյանքում այս կամ այն ֆունկցիան կատարող էակի աստիճանից՝ բազմակողմանիորեն զարգացած անձի աստիճանին»⁴¹: Մի այլ խոշոր ռուս տեսաբան՝ Պ. Ստրուվեն, օբյեկտիվիստական կոնցեպցիան «հիմնավորում» էր մարքսիստական մատերիալիզմը դիտերմինիզմին հակադրելու միջոցով (ըստ որում այդ վերջինը մեկնաբանում

39 Վ. Ի. Լենին, Երկեր, հատ. 1, էջ 517.

40 Տե՛ս Гегель. Сочинения, հատ. 3, էջ 330.

41 Н. И. Кареев, Основные вопросы философии истории, М., 1883, հատ. 1, էջ 383—384.

լր ֆատալիստական ոգով), ինչպես նաև փորձելով ապացուցել, թե գիտական և դասակարգային, կուսակցական տեսակետները անհամատեղելի են, քանի որ նրանք իբրև թե փոխադարձաբար ժխտում են միմյանց⁴²:

(Նիկացիկ դարասկզբի Ռուսաստանում Կարենն ու Ստրուվեն միայնակ չէին բուրժուական օբյեկտիվիզմի սկզբունքները հաստատելու իրենց ջանքերում. ուրա լիբերալ բուրժուազիայի պատմաբանները, նրանց հետ միասին, միասնական չափատ էին կազմել պատմական մատերիալիզմի տեսության դեմ մղվող կատուղի պայքարում):

Բուրժուական պատմա-փիլիսոփայության այս կողմի՝ օբյեկտիվիզմի լե-
նինյան քննադատության անհրաժեշտությունն ու նշանակությունը պայմանա-
վորված էին նաև այն բանով, որ կուսակցականության և օբյեկտիվիզմի սկզբ-
ունքների հակադրությունը պայմաններ էր ստեղծում պատմադրության մեջ
ազնոստիցիզմի տարածման համար: Բանը նրանում է, որ ճանաչողության
պրոցեսի սուբյեկտիվ բնույթի ընդունումը բուրժուական պատմաբանների կող-
մից համարվում էր մի հզոր փաստարկ՝ պատմության անձանաչելիությունը,
ապացուցելու համար⁴³: Դրա հետևանքով վճռապես մերժվում էր պատմական
տեղանիքների, հասկացությունների ու կատեգորիաների օբյեկտիվ բովանդա-
կությունը:

Ի հակադրություն նման պնդումների, Վ. Բ. Լենինը անհրաժեշտ էր համա-
րում ցույց տալ, թե ինչպես Մարքսը, ուսումնասիրելով հասարակական հարա-
բերությունների միայն մեկ տիպը, հենց սկզբից բացահայտեց պատմական
դարգացման օրենքների օբյեկտիվ բնույթը, այդ նպատակով նախապես ճշտե-
լով այն հասկացություններն ու կատեգորիաները, որոնց միջոցով միայն հնա-
րավոր է տալ հասարակական-պատմական երևույթների գիտական նկարա-
գրությունը: Պատմաբանը, ասում էր Լենինը, պարտավոր է տեսականորեն
ճշգրիտ բացատրել հասկացությունները, դրանք մեխանիկորեն չհակադրել
միմյանց, հատկապես այն դեպքերում, երբ խոսքը վերաբերում է առանձինին
ու ընդհանուրին: Պատմաբանի խնդիրն այն չէ, որ աբսոլյուտի վերածի այդ
կատեգորիաներից մեկը կամ մյուսը, այլ այն, որպեսզի կոնկրետ կերպով ուսում-
նասիրի դրանք՝ պարզելով ընդհանրացման (ընդհանրության) տարբեր աստի-
ճանները, այսինքն՝ որոշի այն յուրահատուկ պատմական օրենքները, որոնք
«կարգավորում են տվյալ հասարակական օրգանիզմի ծագումը, գոյությունը,
զարգացումն ու մահը և նրա փոխարինվելն ուրիշ, ավելի բարձր օրգանիզմով»⁴⁴:
Յուրօրինակ յուր հասարակական օրգանիզմի կոնկրետ ձևերը կարող են բացա-
ւորվել միայն այն դեպքում, եթե պատմաբանը ելնում է նրա պատմական
զարգացումից՝ ամբողջապես վերցրած, զարգացում, որը ներառում
է հասարակական երևույթների կրկնվող մոմենտները: Այս պահանջի
հաշվի չառնելը, առանձինի ու ընդհանուրի կատեգորիաներից որևէ մեկը
աբսոլյուտի վերածելը (իսկ պատմության բնագավառում նրանց փոխ-
հարաբերության պրոբլեմի լուծումը հանդիսանում է մարքս-լենին-

42 Տե՛ս Н. Бердяев. Субъективизм и индивидуализм, СПб., 1901, էջ 22 (Պ. Ստրուվեի առաջաբանը):

43 Դեռևս Միխայիլովսկին էր գրում, որ ամբողջ պատմությունը մարդկային բանականության համար անըմբռնելի իդեաների մարմնացում է (տե՛ս Н. К. Миханловский. Сочинения, հատ. 11, СПб., 1896, էջ 105):

44 Վ. Բ. Լենին, Երկեր, հատ. 1, էջ 198:

յան մեթոդոլոգիայի կարևորագույն նվաճումներից մեկը) անխուսափելիորեն կհանգեցնեիր պատմական իրականության աղճատված, հակադիտական հասկացողությանը, որը բաղմաթիվ դեպքերում երևում է ժամանակակից բուրժուական պատմա-փիլիսոփայական երկերում⁴⁵։

Լենինն ընդգծում էր, որ ընդհանուրը, եթե այն բխում է տվյալ սիստեմի իրական փոխհարստերություններից և մարդկային մտքի քմածին ստեղծագործությունը չէ, գիտական աշխարհայացքի համար հսկայական նշանակություն ունի։ Այդպիսի իրական ընդհանուր հասկացություն է, ինչպես բաղմիցս նշում էր նա, հասարակական-տնտեսական ֆորմացիայի մարքսիստական հասկացությունը⁴⁶։

Մեծ է Լենինի դերը մարքսիստական մեթոդոլոգիայի այնպիսի մի կարևոր հարցի կոնկրետացման և հարստացման գործում, ինչպիսին է Մարքսի դրույթը պատմականության (խտորիզմի) մասին։ Ցույց տալով, թե ինչպես նեղ օբյեկտիվիզմը հանգեցնում է պատողությունների արստրակտությանն ու իրական պատմությունը ընդհանուր սխեմաներով նենգափոխելուն, Լենինը ամբողջ ուժով ընդգծում էր, որ այդ ամենի հետևանքը, վերջին հաշվով, լինում է հակապատմականությունը, պատմական փաստերի սուբյեկտիվիստական մեկնաբանությունը։ Նա գրում էր. «Մարքսիստն անհրաժեշտ է համարում ամենայն մանրամասնությամբ հետազոտել այն դասակարգերը, որոնք գոյանում են կապիտալիստական հաւարակության մեջ, հիմնական է համարում միմիայն որոշ դասակարգի տեսակետից կատարվող քննադատությունը, — քննադատություն, որ հիմնվում է ոչ թե «անհատի» բարոյական դատողությունների վրա, այլ ըրապես կատարվող հասարակական պրոցեսի ստույգ ձևակերպման վրա»⁴⁷։

Իսկական գիտական պատմականություն, որը, ինչպես ցույց տվեց Լենինը, բուրժուական պատմագրության համար անմատչելի է, հանդիսանում է միայն այն պատմականությունը, որը օրգանապես կապված է կոմունիստական կուսակցականության հետ։ Ահա թե ինչու նա իր «Քաղաքական գծի մասին» հոդվածում մարքսիզմը իր կոմունիստական կուսակցականությամբ անվանում է «դասակարգային պայքարի օբյեկտիվիզմ»⁴⁸։

* * *

Սովետական պատմական գիտության մարքսիստական մեթոլոգիական հիմունքների հարստացումն ու զարգացումը, պատմական իմացության բուրժուական տեսությունների դեմ նրա մղած անհաշտ պայքարը, պատմական զարգացմանը թշնամի օբյեկտիվիստական, բուրժուական կոնցեպցիաների մերկացումը Լենինի կողմից և Լենինյան տեսական անսպառ ժառանգության զաղափարական հարստությունը հանդիսանում են պատմական իմացության ուժի և ուժի կենդանի ակունքները, պատմական գիտության զարգացման լավագույն գրավականը, այն գիտության, որը պատասխանատու է հասարակության առաջ հումանիզմի ամբույնդման և կոմունիզմի վեհ իդեալների իրականացման համար։

⁴⁵ Տե՛ս Ա. Մ. а ф ф. Объективный характер законов истории, М., 1959, էջ 123 և հտ.։

⁴⁶ Տե՛ս, օրինակ, Վ. Ի. Լենին, Երկեր, հատ. 1, էջ 167—168։

⁴⁷ Վ. Ի. Լենին, Երկեր, հատ. 1, էջ 576—577։

⁴⁸ Վ. Ի. Լենին, Երկեր, հատ. 18, էջ 416—417։

В. И. ЛЕНИН И НЕКОТОРЫЕ МЕТОДОЛОГИЧЕСКИЕ ВОПРОСЫ ИСТОРИЧЕСКОЙ НАУКИ

А. М. ВОСКАНЯН, Р. Г. НАВАСАРДЯН

(Резюме)

История была для В. И. Ленина оружием, средством борьбы; как наука, она связывает прошлое с настоящим и одновременно служит твердой опорой для выработки стратегии борьбы революционных и прогрессивных сил против чудовищной эксплуатации и классового угнетения. Прямая задача подлинной науки — «дать истинный лозунг борьбы», — так определял В. И. Ленин социальные функции и назначение общественных наук, в том числе и науки исторической.

В. И. Ленин придавал исключительное значение методологической стороне исторического познания. Последовательный диалектико-материалистический подход в анализе исторических движений и процессов характеризует ленинские произведения начиная с периода первых его выступлений против народников и «легальных марксистов».

В отличие от буржуазной историографии, переживающей методологический кризис, выраженный как кризис теоретических принципов исторического познания, марксистско-ленинская историография эффективно разрешает возникающие перед ней проблемы, неизменно опираясь на научные методологические принципы, разработанные Марксом и Лениным. Ленинская теория отражения — важнейшее условие углубления исторического познания.

В. И. Ленин придавал большое значение вскрытию того пагубного для исторической науки значения, которое имеют догматизм и релятивизм. Историческая истина — это историческая реальность, отраженная в концепции исследователя; она объективна по своему содержанию, сама по себе не зависит от исследователя. Точно так же объективен по содержанию закон в истории. Сама картина закономерного процесса развития истории раскрывается в понятиях, являющихся формой отражения действительности. И социальная практика, соединяя в себе непосредственную достоверность чувственного и созерцательного со всеобщностью абстрактного мышления, представляет высший критерий истинности, ибо «точка зрения жизни, практики должна быть первой и основной точкой зрения теории познания».

В. И. Ленин дал блестящие образцы искусства отбора, классификации и использования источников. Он не раз подчеркивал важность умения дать социальным движениям истолкование в понятиях, отражающих и закрепляющих в себе научное знание об историческом объекте.

В. И. Ленин настаивал на важности и необходимости «становиться на сторону того или другого класса». Объективизм в историческом исследовании есть лишь «прикрытие», «закрепление классовой борьбы»,

есть отход от историзма. Подлинный историзм связан с партийностью. Марксизм в этом отношении есть «объективизм классовой борьбы», отстаивание партийности исторической науки — прямая задача и ответственный долг марксистов-историков.

Ленинский вклад в разработку методологических основ теории исторической науки — вклад непреходящей научной ценности в развитие и обогащение исторической мысли, фундамент прогрессивного развития современной историографии.